

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 15 MAC 2017, PUKUL 10.00 PAGI

Bil. 7

PERTANYAAN-PERTANYAAN BAGI JAWAB LISAN

1. PR-1351-L00370
Datin Mastura Binti Mohd Yazid [Kuala Kangsar] minta **MENTERI KERJA RAYA** menyatakan tentang faedah dan kaedah serta kos perbandingan pembuatan jalan raya yang diguna pakai sekarang dengan jalan raya berasaskan getah yang mahu dilaksanakan.
2. PR-1351-L00962
Dato' Dr. Mujahid Bin Yusof [Parit Buntar] minta **MENTERI PERTAHANAN** menyatakan penglibatan Malaysia dalam krisis peperangan Saudi Arabia dan Yaman.
3. PR-1351-L00085
Dato' Haji Mohd Zaim Bin Abu Hasan [Parit] minta **MENTERI KEMAJUAN LUAR BANDAR DAN WILAYAH** menyatakan untuk menimbangkan supaya pembinaan jalan kampung dan jalan ladang diberi keutamaan bagi membolehkan rakyat di kawasan luar bandar memasarkan barangan keluaran mereka ke bandar.
4. PR-1351-L00731
Dato' Dr. Nik Mazlan Bin Nik Mohamad [Pasir Puteh] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah usaha-usaha yang telah diambil oleh Kerajaan bagi menyelesaikan masalah peningkatan kadar kelahiran anak luar nikah dan berapakah kos yang diperuntukkan Kementerian sejak 2010 hingga sekarang bagi program-program kesedaran dan pencegahan.
5. PR-1351-L00292
Datuk Seri Haji Ahmad Bin Hamzah [Jasin] minta **MENTERI PENDIDIKAN TINGGI** menyatakan agar menyemak semula dasar pinjaman PTPTN yang turut diberi kepada anak orang kaya dan dasar menukar pinjaman kepada biasiswa bagi pelajar yang cemerlang kerana kedua-dua dasar tersebut menguntungkan anak orang kaya dan Institusi Pendidikan Tinggi Swasta (IPTs).
6. PR-1351-L00951
Dr. Hajah Siti Mariah Binti Mahmud [Kota Raja] minta **MENTERI KESIHATAN** menyatakan polisi waktu kerja dan shif/giliran kerja untuk kakitangan hospital (dokter, jururawat).

7. PR-1351-L00128
Tuan Anuar Bin Abd. Manap [Sekijang] minta **MENTERI PERUSAHAAN PERLADANGAN DAN KOMODITI** menyatakan prestasi serta kedudukan semasa industri getah dan sawit seluruh negara dari segi jumlah pengeluaran dan permintaan serta harga jualan dan nyatakan unjuran prestasi industri ini untuk tempoh sepanjang 2017.
8. PR-1351-L00906
Tuan Haji Nasrudin Bin Hassan [Temerloh] minta **MENTERI PENDIDIKAN TINGGI** menyatakan hasil pelaksanaan penilaian bersepadu yang dimulakan oleh IPT perintis dan bagaimana Program iCGPA (Sistem Purata Nilai Gred Kumulatif Bersepadu) boleh melonjakkan peningkatan adab dan keilmuan dalam kalangan penuntut universiti.
9. PR-1351-L01307
Datuk Koh Nai Kwong [Alor Gajah] minta **MENTERI KEMAJUAN LUAR BANDAR DAN WILAYAH** menyatakan apakah strategi kerajaan untuk membela nasib orang asli khususnya dalam isu pemilikan tanah dan adakah ia termasuk penyemakan semula dan pengukuhan Akta Orang Asli 1954.
10. PR-1351-L01077
Dr. Ong Kian Ming [Serdang] minta **MENTERI PENDIDIKAN** menyatakan sebab Malaysia tidak disenaraikan dalam "PISA ranking 2015" dan status laporan yang dijanjikan oleh pihak Kementerian pada tahun 2016 untuk menjelaskan kehilangan kelayakan Malaysia dalam "PISA ranking 2015".
11. PR-1351-L00344
Dr. Ismail Bin Daut [Merbok] minta **MENTERI PENDIDIKAN TINGGI** menyatakan jumlah kes penyalahgunaan status pemegang ijazah doktor falsafah pada tahun 2016 dan apakah langkah yang dilakukan Kementerian bagi mengekang penyalahgunaan status pemegang ijazah doktor falsafah ini.
12. PR-1351-L01368
Puan Teo Nie Ching [Kulai] minta **MENTERI PENDIDIKAN** menyatakan :-
 - (a) jumlah warga tanpa kewarganegaraan (stateless children) yang sedang menuntut belajar di sekolah rendah Kerajaan dan sekolah menengah Kerajaan; dan
 - (b) pendekatan Kementerian untuk memastikan golongan ini berhak untuk belajar di sekolah Kerajaan supaya masa depan mereka tidak terjejas.
13. PR-1351-L01110
Dato' Seri Tiong King Sing [Bintulu] minta **MENTERI PENDIDIKAN** menyatakan :-
 - (a) berapakah jumlah sekolah luar bandar yang telah dinaik taraf dan berapakah jumlah sekolah baharu yang telah dibina dan akan dibina oleh Kementerian; dan

- (b) apakah perancangan dan usaha Kementerian dalam memberi kemudahan asas seperti bekalan elektrik ke sekolah-sekolah di luar bandar bagi memudahkan sesi pembelajaran dijalankan.
14. PR-1351-L00179
Dr. Tan Seng Giaw [Kepong] minta **MENTERI KESIHATAN** menyatakan peruntukan untuk hospital dan klinik di Malaysia dan usaha-usaha bagi memastikan perkhidmatan yang baik.
15. PR-1351-L01275
Datuk William @ Nyallau Anak Badak [Lubok Antu] minta **MENTERI PENDIDIKAN** menyatakan adakah Kerajaan akan membantu 210 guru interim yang gagal ditemuduga diberi pertimbangan kelonggaran untuk diserapkan menjadi guru tetap sekiranya prestasi mereka menunjukkan kecemerlangan dari segi mengajar.
16. PR-1351-L01164
Puan Alice Lau Kiong Yieng [Lanang] minta **MENTERI PENDIDIKAN TINGGI** menyatakan status pengangguran di Malaysia terutama bagi graduan perubatan dan graduan guru yang masih menganggur serta apakah langkah-langkah Kementerian untuk mengatasi masalah pengangguran tersebut.
17. PR-1351-L00542
Dato' Abd Aziz Bin Sheikh Fadzir [Kulim Bandar Baharu] minta **MENTERI PENDIDIKAN** menyatakan bagaimanakah Kerajaan memastikan Pelan Pembangunan Pendidikan Malaysia dapat mencapai kejayaan yang menyeluruh terutamanya dari segi penghasilan guru yang berkualiti bagi menghasilkan sistem pengajaran dan pembelajaran dalam kelas Kemahiran Berfikir Aras Tinggi (KBAT) berada dalam kelas tertinggi di peringkat nasional dan global.
18. PR-1351-L01244
Tuan Julian Tan Kok Ping [Stampin] minta **MENTERI KESIHATAN** menyatakan adakah dalam perancangan Kerajaan Persekutuan untuk melaksanakan Hospital Information System (HIS) di Hospital Umum Sarawak (HUS) pada tahun 2017. Jika tidak minta diberikan justifikasi.
19. PR-1351-L00304
Dato' Dr. Shamsul Anuar Bin Hj. Nasarah [Lenggong] minta **MENTERI PENDIDIKAN TINGGI** menyatakan :-
- (a) berapakah jumlah kes penipuan sijil pelajaran palsu yang berjaya dikesan oleh Kementerian setakat ini yang melibatkan pelajar antarabangsa; dan
- (b) bagaimana Kementerian merangka tindakan untuk menyelesaikan kes penipuan sijil pelajaran palsu (diploma, ijazah dan sebagainya) membabitkan pelajar antarabangsa serta mengurangkan lambakan golongan ini untuk terus menetap di negara dalam suatu tempoh yang lama.

20. PR-1351-L01214
Tuan Sivarasa A/L K. Rasiah [Subang] minta **MENTERI PENDIDIKAN** menyatakan setakat ini usaha pihak kementerian untuk memindah atau menggabungkan Sekolah Jenis Kebangsaan (Tamil) (SJKT) untuk menepati permintaan masyarakat India dan sama ada Kerajaan sedia untuk menambahkan jumlah SJKT yang sedia ada.
21. PR-1351-L00066
Datuk Sapawi Bin Haji Amat Wasali @ Ahmad [Sipitang] minta **MENTERI KEWANGAN** menyatakan jumlah pembayaran keseluruhan Bantuan Rakyat 1Malaysia (BR1M) sejak ia diperkenalkan sehingga kini, dan bilangan rakyat yang menerimanya mengikut negeri.
22. PR-1351-L01234
Dato' Mansor Bin Othman [Nibong Tebal] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan tindakan-tindakan yang diambil oleh Kerajaan bagi menangani isu peningkatan harga makanan akibat kenaikan harga-harga barang perlu seperti minyak masak, gula dan harga petrol.
23. PR-1351-L00361
Datuk Aaron Ago Anak Dagang [Kanowit] minta **MENTERI PEMBANGUNAN WANITA, KELUARGA DAN MASYARAKAT** menyatakan status dan kejayaan pelbagai program 1AZAM untuk meningkatkan pendapatan rakyat miskin di negara ini.
24. PR-1351-L01074
Puan Hajah Fuziah Binti Salleh [Kuantan] minta **MENTERI SUMBER ASLI DAN ALAM SEKITAR** menyatakan secara terperinci cara dan langkah untuk mencapai lima juta hektar hutan simpanan kekal pada tahun 2020.
25. PR-1351-L00017
Datuk Dr. Ewon Bin Ebin [Ranau] minta **MENTERI KEWANGAN** menyatakan :-
- (a) berapakah unjuran jumlah pendapatan negara daripada aktiviti minyak dan gas serta GST (Cukai Barang dan Perkhidmatan); dan
 - (b) berapakah jumlah pendapatan (untung bersih) Petronas hasil daripada aktiviti minyak dan gas Petronas di negeri Sabah.
26. PR-1351-L00275
Dr. Lee Boon Chye [Gopeng] minta **MENTERI KESIHATAN** menyatakan jumlah hutang oleh pesakit yang menerima rawatan di hospital dan klinik Kerajaan dan peratusan hutang oleh warga asing.
27. PR-1351-L00638
Datuk Liang Teck Meng [Simpang Renggam] minta **PERDANA MENTERI** menyatakan jumlah rumah PRIMA yang telah dibina dan sedang dibina sehingga kini (pecahan mengikut kategori umur dan jantina), pencapaian dan komitmen (gerak cara) Kerajaan dalam memastikan setiap rakyat Malaysia mampu memiliki rumah sendiri.

28. PR-1351-L01083
Tuan Teo Kok Seong [Rasah] minta **MENTERI KEWANGAN** menyatakan :-
- (a) berapakah jumlah hasil kutipan Cukai Barangan dan Perkhidmatan (GST) sejak ia dilaksanakan; dan
 - (b) mengapakah Kerajaan tidak mengurangkan kadar cukai GST atau memansuhkan cukai tersebut untuk meringankan beban rakyat.
29. PR-1351-L00788
Dato' Ahmad Fauzi Bin Hj Zahari [Setiawangsa] minta **MENTERI BELIA DAN SUKAN** menyatakan status persediaan negara bagi menjadi tuan rumah Sukan SEA 2017 dan apakah sasaran pihak Kementerian bagi pencapaian atlet Malaysia pada temasya kali ini.
30. PR-1351-L00631
Dato' Seri Dr. Wan Azizah Bin Wan Ismail [Permatang Pauh] minta **MENTERI SUMBER ASLI DAN ALAM SEKITAR** menyatakan memandangkan aktiviti pembalakan telah merosakkan alam sekitar, apakah tahap perlaksanaan penanaman semula ke atas kawasan hutan yang ditebang, peratusan penanaman semula bagi setiap negeri serta sejauh mana tahap pencemaran alam sekitar yang terkesan akibat aktiviti pembalakan ini.
31. PR-1351-L01098
Dato' Sri Ikmal Hisham Bin Abdul Aziz [Tanah Merah] minta **MENTERI DALAM NEGERI** menyatakan sejauh manakah kejayaan Polis Diraja Malaysia dalam membanteras kegiatan judi haram di premis-premis perniagaan yang berselindung di sebalik pusat hiburan keluarga.
32. PR-1351-L00161
Laksamana Pertama Mohamad Imran Bin Abd Hamid (B) [Lumut] minta **MENTERI PERTAHANAN** menyatakan adakah infrastruktur di Pulau Jarak dan Pulau Perak mencukupi untuk didiami oleh warga tentera yang bertugas menjaga kedaulatan negara bagi mengelakkan kemalangan dan keselamatan warga tentera yang bertugas.
33. PR-1351-L00469
Dato' Kamarudin Bin Jaffar [Tumpat] minta **PERDANA MENTERI** menyatakan sama ada benar tanah rizab di Lot 55121 P.A 120495 Daerah Wilayah Persekutuan Kuala Lumpur yang diwartakan sebagai kawasan lapang dan padang bola melalui warta P.U.(B) 344 telah dibatalkan status rizab dan hendak dijual kepada pemaju Tetuan Sinerjuta Sdn Bhd.
34. PR-1351-L00121
Dato' Dr. Noraini Binti Ahmad [Parit Sulong] minta **PERDANA MENTERI** menyatakan apakah pendirian Malaysia dalam isu tuntutan kedaulatan wilayah negara Pulau Batu Puteh, termasuk Batuan Tengah dan Tubir Selatan setelah perkara ini difailkan bagi permohonan semula semakan terhadap Mahkamah Keadilan Antarabangsa (ICJ).

35. PR-1351-L00426
Tuan Che Mohamad Zulkifly Bin Jusoh [Setiu] minta **MENTERI SAINS, TEKNOLOGI DAN INOVASI** menyatakan jumlah produk berimpak tinggi hasil daripada penyelidikan dan pembangunan sektor awam dan swasta yang berjaya dikomersialkan pada tahun 2015 sehingga kini berbanding sasaran ditetapkan iaitu 360 buah produk menjelang tahun 2020.
36. PR-1351-L01179
Puan Kasthuriraani A/P Patto [Batu Kawan] minta **PERDANA MENTERI** menyatakan senarai terperinci semua aset kepunyaan FELDA seperti hotel, rumah, bangunan komersial, tanah serta pegangan saham dalam bank-bank seperti Maybank dan bank lain, di dalam negara dan di luar negara yang terkini serta rancangan pelaburan yang akan datang.
37. PR-1351-L01038
Tuan Er Teck Hwa [Bakri] minta **MENTERI PELANCONGAN DAN KEBUDAYAAN** menyatakan statistik terperinci kedatangan pelancong ke setiap negeri dan jumlah perbelanjaan mereka dari tahun 2016 berbanding dengan tempoh yang sama tahun 2015.
38. PR-1351-L00492
Tuan Wong Chen [Kelana Jaya] minta **MENTERI LUAR NEGERI** menyatakan pendirian Malaysia mengenai kehadiran kapal-kapal pengawas pantai Negara China di Luconia Shoals.
39. PR-1351-L01291
Dato' Ngeh Koo Ham [Beruas] minta **MENTERI KEWANGAN** menyatakan butir-butir tentang East Coast Rail Line (ECRL) yang hendak dibina dan kenapa bayaran balik kos pembinaan hanya bermula selepas 7 tahun dan adakah pembayaran balik tertunda ini menyebabkan kos pembinaan projek ini naik begitu tinggi.
40. PR-1351-L01251
Tuan Ramkarpal Singh A/L Karpal Singh [Bukit Gelugor] minta **MENTERI DALAM NEGERI** menyatakan mengapa Kerajaan kini tidak lagi berniat untuk mengekstradisi Kpl. Sirul Azhar Umar dari Australia memandangkan pendirian Menteri Dalam Negeri dalam bulan, Mac, 2015 bahawa rundingan proses ekstradisi tersebut dengan Kerajaan Australia akan dimulakan.
41. PR-1351-L00983
Dato' Haji Mahfuz Bin Omar [Pokok Sena] minta **MENTERI KEMAJUAN LUAR BANDAR DAN WILAYAH** menyatakan :-
- (a) apakah wajar MARA dan Pelaburan Mara Bhd. serta UniKI membuat penajaan kepada skuad bola sepak Kelantan (The Red Warriors) dan apakah peraturan-peraturan yang membolehkan penajaan tersebut; dan
 - (b) apakah pulangan yang menguntungkan diperoleh MARA, Pelaburan Mara Bhd. serta UniKI daripada penajaan tersebut.

42. PR-1351-L00528
Dato' Sri Wee Jeck Seng [Tanjong Piai] minta **MENTERI PERTANIAN DAN INDUSTRI ASAS TANI** menyatakan apakah usaha Kementerian dalam melaksanakan penyemakan semula Akta Perikanan 1985 bagi memastikan keperluan marine dipelihara dengan melarang penangkapan ikan yu bagi siripnya.
43. PR-1351-L01092
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan adakah Deloitte Malaysia masih juruaudit rasmi SRC International Sdn Bhd dan jika tidak, siapakah juruaudit yang baru. Bilakah SRC International akan mengemukakan Penyata Kewangan untuk tahun 2015 dan 2016.
44. PR-1351-L00783
Tuan Haji Ahmad Lai Bin Bujang [Sibuti] minta **MENTERI DALAM NEGERI** menyatakan apakah status bagi pembinaan balai polis baru di kawasan Taman Tunku/Lambir.
45. PR-1351-L00276
Dr. Lee Boon Chye [Gopeng] minta **PERDANA MENTERI** menyatakan langkah yang diambil untuk memulihkan nilai saham FGV (Felda Global Ventures Holdings Berhad) yang kehilangan nilai permodalan pasaran sebanyak RM 10 billion sejak disenaraikan di Bursa Malaysia.
46. PR-1351-L01174
Tuan Mohd Rafizi Bin Ramli [Pandan] minta **MENTERI KEWANGAN** menyatakan berapa gerabak (coach) digunakan bagi setiap fasa projek MRT (Sg Buloh-Kajang, Sg Buloh-Serdang-Putrajaya & Circle Line) dan anggaran kos menambah 4 gerabak tambahan bagi setiap fasa di masa hadapan untuk meningkatkan kapasiti penumpang.
47. PR-1351-L00509
Datuk Juslie Bin Ajirol [Libaran] minta **MENTERI SAINS, TEKNOLOGI DAN INOVASI** menyatakan pelaksanaan Majlis Sains Negara (NSC) mewujudkan Dasar Angkasa Negara 2030 bagi memacu sektor angkasa negara sebagai ekonomi baharu yang strategik.
48. PR-1351-L01006
Tuan Loke Siew Fook [Seremban] minta **MENTERI DALAM NEGERI** menyatakan status terkini siasatan ROS terhadap Parti DAP yang telah mengambil masa lebih dari 3 tahun dan bilakah permohonan cawangan-cawangan baru yang telah diserahkan kepada ROS dapat diluluskan.
49. PR-1351-L00332
Dr. Che Rosli Bin Che Mat [Hulu Langat] minta **MENTERI PERDAGANGAN ANTARABANGSA DAN INDUSTRI** menyatakan apakah ada produk-produk yang dihasilkan dari Nadir Bumi yang dikeluarkan oleh Syarikat Lynas dimanfaatkan dalam Industri tempatan atau semuanya untuk dieksport.

50. PR-1351-L00485
Dr. Mansor Bin Abdul Rahman [Sik] minta **PERDANA MENTERI** menyatakan apakah tindakan Kerajaan bagi memulihkan keyakinan rakyat terhadap Kerajaan dalam membanteras gejala rasuah di dalam sektor awam, berapa banyak kes atau pertuduhan serta nilai rampasan yang telah diambil tindakan oleh pihak SPRM dari tahun 2011 hingga 2016.
51. PR-1351-L01297
Dato' Abdullah Sani Bin Abdul Hamid [Kuala Langat] minta **MENTERI DALAM NEGERI** menyatakan kebenaran pekerja asing dibenarkan bekerja di semua sektor.
52. PR-1351-L00185
Datuk Dr. Makin @ Marcus Mojigoh [Putatan] minta **PERDANA MENTERI** menyatakan :-
- (a) apa tindakan yang telah diambil oleh pihak Kerajaan ke atas projek-projek yang terbengkalai serta projek-projek yang tidak mengikut skop kerja yang ditetapkan (seperti mana yang terkandung dalam Laporan Ketua Audit Negara); dan
 - (b) jumlah kerugian yang telah ditanggung oleh Kerajaan akibat ketidak bertanggungjawapan oleh pihak pelaksana serta jenis tindakan yang telah diambil ke atas mereka yang terbabit.
53. PR-1351-L00641
Tuan Sim Chee Keong [Bukit Mertajam] minta **MENTERI DALAM NEGERI** menyatakan status penyiasatan sabotaj MyIMMS di KLIA di mana lebih 100 pegawai Jabatan Imigresen didakwa terlibat dan disiasat. Nyatakan sama ada apa-apa dakwaan ataupun sabitan mahkamah, dan nyatakan status pegawai-pegawai Jabatan Imigresen yang disiasat itu.
54. PR-1351-L00442
Tuan Budiman Bin Mohd Zohdi [Sungai Besar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah bentuk kuasa daripada segi perundangan mahupun dasar yang ada pada pihak Kementerian dalam mengawal selia pengeluaran lesen dan permit rumah urut serta pusat hiburan keluarga yang dikeluarkan oleh pihak berkuasa tempatan negeri.
55. PR-1351-L00396
Datuk Linda Tsen Thau Lin [Batu Sapi] minta **MENTERI PENGANGKUTAN** menyatakan langkah-langkah untuk mencegah kemalangan kapal-kapal pelancongan.
56. PR-1351-L00751
Tuan Idris Bin Haji Ahmad [Bukit Gantang] minta **MENTERI PERDAGANGAN ANTARABANGSA DAN INDUSTRI** menyatakan berapakah jumlah pengeluaran kereta Proton untuk tahun 2016 dan apakah masalah Proton sehingga banyak rungutan di kalangan pembeli mengenai kualitinya berbanding dengan kereta keluaran Perodua.

57. PR-1351-L01206
Dato' Johari Bin Abdul [Sungai Petani] minta **PERDANA MENTERI** menyatakan berapakah kerugian Felda secara langsung akibat jatuhnya nilai saham dalam Felda Global Ventures Holding Bhd (FGV) dan bagaimana Felda akan menyusun dan menguruskan kerugian ini.
58. PR-1351-L00238
Tuan William Leong Jee Keen [Selayang] minta **PERDANA MENTERI** menyatakan sebab-sebab bagi pengambilalihan Eagle High Plantation dan sama ada pengambil alihan tersebut adalah selaras dengan objektif di bawah Ordinan Kemajuan Tanah 1956.
59. PR-1351-L00693
Tuan Gobind Singh Deo [Puchong] minta **MENTERI DALAM NEGERI** menyatakan bilangan orang yang ditahan untuk kesalahan-kesalahan di bawah Akta Pencegahan Jenayah 1959 dan Akta Kesalahan Keselamatan (Langkah-Langkah Khas) 2012 dan sejak 2010, (dari tahun ke tahun) dan mengikut negeri.
60. PR-1351-L00702
Datuk Mohd Idris Bin Jusi [Batu Pahat] minta **PERDANA MENTERI** menyatakan perkembangan terkini rancangan untuk menjual aset-aset Lembaga Kemajuan Tanah Persekutuan (FELDA) di luar negara, termasuk yang telah dijual, sedang dijual, dan akan dijual, serta pulangannya.
61. PR-1351-L00972
Dato' Dr. Mujahid Bin Yusof Rawa [Parit Buntar] minta **MENTERI DALAM NEGERI** menyatakan statistik kematian dalam lokap polis dari 2005 hingga 2016 dan apakah tindakan yang telah diambil berdasarkan Syor-Syor Suruhanjaya Siasatan Diraja pada tahun 2005.
62. PR-1351-L01360
Tuan Oscar Ling Chai Yew [Sibü] minta **MENTERI DALAM NEGERI** menyatakan kes pembunuhan pemimpin Korea Utara, Kim Jong-Nam di lapangan terbang Malaysia, apakah tindakan lanjut akan diambil oleh pihak polis. Adakah keselamatan lapangan terbang Malaysia telah dikompromi.
63. PR-1351-L01228
Tan Sri Dato' Haji Muhyiddin Bin Haji Mohd Yassin [Pagoh] minta **PERDANA MENTERI** menyatakan penjelasan atas sebab pembelian 37% saham PT Eagle High Plantations TBK yang diteruskan oleh Felda melalui Felda Investment Corporation (FIC) walaupun sebelum ini telah dibatalkan oleh Felda Global Ventures Holdings (FGV). Apakah penilaian due diligence berhubung pembelian saham ini telah dilakukan dan berapakah tambahan hutang yang perlu ditanggung Felda selepas pembelian ini dan bagaimana hutang atau liabiliti ini hendak dilunaskan.
64. PR-1351-L00590
Tuan Nga Kor Ming [Taiping] minta **MENTERI DALAM NEGERI** menyatakan dalam tempoh 2007 hingga 2017, berapa orang telah mengalami kematian semasa dalam tahanan pasukan polis dan apakah langkah yang diambil oleh Kerajaan supaya kejadian tragik sedemikian tidak berulang lagi.

65. PR-1351-L01333
Tuan Sivakumar A/L Varatharaju Naidu [Batu Gajah] minta **MENTERI PENDIDIKAN** menyatakan jumlah wang telah dibelanjakan untuk sekolah-sekolah Tamil daripada RM50 juta yang telah diperuntukkan dalam Bajet 2016. Berikan maklumat terperinci berdasarkan sekolah-sekolah yang menerimanya.
66. PR-1351-L01009
Dato' Dr. Tan Kee Kwong [Wangsa Maju] minta **MENTERI WILAYAH PERSEKUTUAN** menyatakan berapakah jumlah padang bola sepak di bawah kelolaan Dewan Bandaraya Kuala Lumpur yang masih wujud.
67. PR-1351-L00994
Tuan Wong Ling Bui [Sarikei] minta **MENTERI KERJA RAYA** menyatakan apakah langkah-langkah yang diambil untuk memastikan Pasar Jakar di Sarikei tidak akan diabaikan selepas Lebuhraya Pan Borneo dibina kerana Pasar Jakar akan menjadi satu bandar yang akan menjadi laluan penting.
68. PR-1351-L00138
Puan Hajah Zuraida Binti Kamaruddin [Ampang] minta **MENTERI KEMAJUAN LUAR BANDAR DAN WILAYAH** menyatakan apakah langkah-langkah pihak Kerajaan bagiewartakan tanah-tanah rizab Orang Asli yang masih lagi belum diluluskan.
69. PR-1351-L00012
Dato' Seri Haji Ahmad Husni Bin Mohamad Hanadzlah [Tambun] minta **MENTERI PENDIDIKAN** menyatakan nombor berapakah kedudukan pencapaian matematik dan sains bagi sekolah di negara Malaysia di kalangan negara-negara dunia.
70. PR-1351-L00002
Dato' Haji Abdul Rahman Bin Mohamad [Lipis] minta **MENTERI TENAGA, TEKNOLOGI HIJAU DAN AIR** menyatakan punca berlakunya kelewatan daripada pihak TNB untuk memasang tiang-tiang elektrik kepada bangunan atau rumah yang baru dibina sehingga mengakibatkan kelewatan untuk sesebuah projek pembangunan beroperasi seperti balai raya dan rumah mesra rakyat.
71. PR-1351-L00715
Puan Teresa Kok Suh Sim [Seputeh] minta **PERDANA MENTERI** menyatakan jumlah kos perbelanjaan percutian Perdana Menteri dan keluarga pada tahun 2016 yang dibiayai oleh Kerajaan. Nyatakan elaun percutian bagi Menteri, Timbalan Menteri, Timbalan Perdana Menteri dan Perdana Menteri setiap tahun.

72. PR-1351-L01336

Tuan G Manivannan A/L Gowindasamy [Kapar] minta **MENTERI KESIHATAN** menyatakan :-

- (a) apakah perkembangan dan status mengenai warta tanah berkenaan pembinaan hospital di Parlimen Kapar. Apakah perkembangan secara terperinci yang telah berlaku dalam tempoh masa 1 Januari 2014 sehingga 28 Februari 2017 dan bilakah Kerajaan Pusat berhasrat untuk memulakan pembinaan hospital di Parlimen Kapar; dan
- (b) apakah perkembangan dan status terkini mengenai proses penambahbaikan Klinik Kesihatan Kapar baru yang akan menggantikan Klinik Kesihatan Lama di bawah RP3, RMK-10. Bilakah Kerajaan Pusat berhasrat untuk memulakan penambahbaikan ini dan anggaran tarikh penyelesaian projek ini.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Datuk Liang Teck Meng [Simpang Renggam] dan masalah dicadangkan :-**

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan sebanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Kelima, Parlimen Yang Ketiga Belas.”

Menyambung semula Perbahasan atas masalah (14 Mac, 2017)

- | | | | |
|----|----------------|---|-------------------------------|
| 2. | (D.R. 13/2016) | Rang Undang-undang Mahkamah (Kaedah-Kaedah Pemulaan Tindakan Sivil) 2016 | Bacaan Kali Yang Kedua |
| | | [Menteri di Jabatan Perdana Menteri] | |
| 3. | (D.R. 21/2016) | Rang Undang-undang Kebankrapan (Pindaan) 2016 | “ |
| | | [Menteri di Jabatan Perdana Menteri] | |
| 4. | (D.R. 20/2016) | Rang Undang-undang Membaharui Undang-undang (Perkahwinan dan Perceraian) (Pindaan) 2016 | “ |
| | | [Menteri di Jabatan Perdana Menteri] | |
| 5. | (D.R. 25/2016) | Rang Undang-undang Setem (Pindaan) 2016. | “ |
| | | [Menteri Kewangan] | |
| 6. | (D.R. 1/2017) | Rang Undang-Undang Timbang dan Sukat (Pindaan) 2017 | “ |
| | | [Menteri Perdagangan Dalam Negeri, Koperasi dan Kepenggunaan] | |

7. **Dato' Seri Abdul Hadi bin Awang [Marang] akan mencadangkan:-**

“Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2016 seperti berikut:-

Pindaan Seksyen 2

Akta Mahkamah Syariah (Bidang Kuasa Jenayah) 1965 [Akta 355] dipinda dalam proviso kepada seksyen 2 dengan menggantikan perkataan “***penjara selama tempoh melebihi tiga tahun atau denda melebihi lima ribu ringgit atau sebatan melebihi enam kali*** “ dengan perkataan “***penjara selama tempoh melebihi tiga puluh tahun atau denda melebihi satu ratus ribu ringgit atau sebatan satu ratus kali sebagaimana ditadbir selaras dengan tatacara jenayah Syariah***”.

[Menteri di Jabatan Perdana Menteri]

8. PR-1351-U(27)002
Dr. Tan Seng Giaw [Kepong] akan mencadangkan :-

Bahawa Dewan ini membahaskan masalah akibat penarikan Amerika Syarikat daripada TPPA.

[Menteri Perdagangan Antarabangsa Dan Industri]

9. PR-1351-U(27)003
Datuk Dr. Makin @ Marcus Mojigoh [Putatan] akan mencadangkan :-
“Bahawa Dewan ini mengambil maklum bahawa, pertumbuhan penduduk di daerah Putatan adalah begitu mendadak sekali dan ditokok tambah dengan pembangunan infrastruktur yang rancak seiring dengan statusnya sebagai satu daripada daerah yang rancak membangun di negeri Sabah khususnya.

Dan mengambil maklum juga bahawa, dewasa ini, isu masalah sosial, keselamatan sosial serta ketenteraman sosial menjadi topik bualan harian di kalangan warga Putatan. Setiap hari ketiga-tiga topik ini akan kedengaran malah menjadi kegusaran bagi warga Putatan kerana kehadiran anggota keselamatan yang amat kurang disebabkan cadangan pewujudan dan pembinaan ibu pejabat polis daerah Putatan telah lama tertangguh.

Dan mengambil maklum juga bahawa ketika ini, isu masalah sosial, keselamatan sosial serta ketenteraman sosial di Putatan adalah di bawah pentadbiran Ibu Pejabat Polis Daerah Penampang serta sebahagiannya di bawah pentadbiran Ibu Pejabat Polis Daerah Kota Kinabalu.

Mengambil maklum juga bahawa untuk menangani masalah sosial, keselamatan sosial serta ketenteraman sosial di daerah Putatan, hanya sebuah balai polis yang dianggotai kurang daripada 22 anggota dengan kelengkapan yang serba kekurangan, terpaksa berhempas pulas untuk menjaga daerah Putatan dengan keluasan 30km persegi dan berkepadatan penduduk melebihi 100 ribu orang.

Dan mengambil maklum juga bahawa, apabila berlakunya sesuatu jenayah atau kecemasan, ada kalanya ketibaan anggota keselamatan itu agak lewat kerana jarak tempat kejadian dengan IPD Penampang atau IPD Kota Kinabalu agak jauh dan mengambil masa untuk tiba.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan haruslah dengan segera meluluskan penubuhan dan pembinaan IPD Putatan lengkap dengan perjawatannya".

[Menteri Dalam Negeri]

10. PR-1351-U(27)004

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa Perkara 11 Perlembagaan Persekutuan Malaysia memberikan semua rakyatnya kebebasan beragama.

Dan mengambil maklum juga bahawa Perkara 8 Perlembagaan Persekutuan Malaysia menjamin kesamarataan hak untuk warganya bagi menjalani kehidupan harian mereka.

Dan mengambil maklum juga bahawa, Malaysia sebagai negara peneraju gerakan kesederhanaan global di bawah pimpinan YAB. Perdana Menteri, telah berjaya memahat nama di persada antarabangsa di mana Malaysia menjadi model penerimaan kepelbagaian agama dan kaum sebagai sumber kekuatannya.

Dan mengambil maklum juga bahawa, konsep penerimaan kepelbagaian agama dan bangsa melalui Gagasan 1Malaysia adalah model yang terbaik dalam mewujudkan keharmonian, kemakmuran dan perpaduan di negara ini.

Dan mengambil maklum juga bahawa Kerajaan pimpinan YAB. Perdana Menteri berjanji melalui manifesto Barisan Nasional pada PRU ke-13, untuk menyediakan lebih banyak bantuan kewangan kepada institusi-institusi agama berdaftar dan rumah-rumah ibadat.

Dan mengambil maklum dan contoh, bahawa Kerajaan Negeri Sabah dan Sarawak juga telah menyediakan dana khas dalam bajet tahunan mereka bagi maksud bantuan kewangan kepada institusi-institusi agama berdaftar dan rumah-rumah ibadat di negeri Sabah dan Sarawak.

Maka, bagi memenuhi aspirasi di atas dan rakyat bukan Islam khususnya, Dewan yang mulia ini hendaklah mengambil ketetapan bahawa Kerajaan Malaysia hendaklah menyediakan satu jumlah khas (dana) dalam bajet tahunan negara, bagi aktiviti institusi-institusi agama berdaftar dan rumah-rumah ibadat (bukan Islam)."

[Perdana Menteri]

11. PR-1351-U(27)005

Datuk Dr. Makin @ Marcus Mojigoh [Putatan] akan mencadangkan :-
"Bahawa Dewan ini mengambil maklum bahawa, Orang Asli yang terdiri daripada suku Semang (Negrito), Senoi dan Proto Malay adalah Orang Asli yang tinggal di Semenanjung Malaysia dan juga merupakan penghuni tertua di Semenanjung Malaysia.

Dan mengambil maklum juga bahawa, walaupun Orang Asli adalah merupakan penduduk asli Semenanjung Malaysia dan disebut sebagai "Bumiputera", namun mereka tidak menikmati keistimewaan yang diberikan kepada kaum Melayu dan Bumiputera negeri Sabah dan Sarawak di mana mereka tidak diiktiraf sebagai Bumiputera di bawah Perkara 153 Perlembagaan Persekutuan Malaysia.

Dan mengambil maklum juga bahawa, walaupun Jabatan Hal Ehwal Orang Asli (JHEOA) telah ditubuhkan pada tahun 1954 dan pindaan ke atas beberapa akta, seperti Akta Orang Asli 1954 telah dibuat bagi membolehkan dan meningkatkan sosio budaya dan ekonomi Orang Asli, namun kedudukan mereka tidak banyak berubah disebabkan status kedudukan mereka dalam Perlembagaan negara adalah kurang jelas.

Dan mengambil maklum juga bahawa, sesuai dengan konsep 1Malaysia yang diterajui oleh YAB. Perdana Menteri, kedudukan Orang Asli di negara ini hendaklah diterima semua dan diberikan hak dan layanan sama rata.

Dan mengambil maklum juga bahawa Perkara 8 Perlembagaan Persekutuan Malaysia menjamin kesamarataan hak untuk warganya bagi menjalani kehidupan harian mereka, termasuklah kaum Orang Asli.

Maka, bagi menangani kepincangan ini, Dewan ini hendaklah mengambil ketetapan bahawa, Perkara 153 Perlembagaan Persekutuan Malaysia serta perkara-perkara yang berkaitan, hendaklah dipinda bagi membolehkan Orang Asli dikategorikan sebagai Bumiputera dan diberikan hak Bumiputera, seiringan dengan orang-orang Melayu dan kaum Bumiputera Sabah dan Sarawak."

[Perdana Menteri]

12. PR-1351-U(27)006

Datuk Dr. Makin @ Marcus Mojigoh [Putatan] akan mencadangkan :-

“Bahawa Dewan ini mengambil maklum bahawa, masalah setinggan di bandar adalah masalah yang saban hari makin meningkat kerana migrasi dari luar bandar ke bandar, terutama sekali untuk tujuan mencari pekerjaan.

Dewan ini hendaklah juga mengambil maklum bahawa migran ekonomi yang berpindah daripada luar bandar ke bandar ini adalah dari golongan yang kurang berkemampuan/berpendapatan rendah dan mereka tidak mampu untuk membeli atau memiliki rumah-rumah yang dibina oleh pihak pemaju atau PR1MA yang ada pada ketika ini, di mana kebanyakan mereka ini hanya mampu untuk membayar kadar sewaan di bawah RM350 sebulan.

Dan mengambil maklum juga bahawa, matlamat Kerajaan mensasarkan sifar setinggan terutama sekali di kawasan bandar adalah agak sukar untuk dicapai selagi masalah perumahan bagi migran yang dimaksudkan di atas tidak ditangani secara tuntas.

Dan mengambil maklum juga bahawa, Program Perumahan Rakyat (PPR) yang dahulunya untuk sewaan tanpa had masa dilihat sebagai satu langkah alternatif bagi mengatasi masalah setinggan di bandar dan sekali gus memberikan kumpulan sasar untuk menduduki rumah yang agak selesa. Tetapi malangnya, status PPR tersebut telah dipinda kepada status rumah transit untuk pendudukan untuk tempoh tidak melebihi lima (5) tahun.

Dan mengambil maklum juga bahawa Program Perumahan Rakyat atau PPR yang ada sekarang ini merupakan sumber alternatif bagi mengatasi masalah setinggan di bandar di mana rumah-rumah PPR ini diubah syarat daripada sewaan kepada sewa beli bagi membolehkan mereka yang dimaksudkan di atas untuk akhirnya memiliki rumah mereka sendiri.

Maka, bagi menangani masalah setinggan bandar dan kekurangan perumahan untuk golongan kurang mampu, Dewan ini hendaklah mengambil ketetapan bahawa Kerajaan hendaklah meminda syarat pendudukan rumah PPR di seluruh negara daripada bulanan kepada syarat sewa-beli.”

[Menteri Kesejahteraan Bandar, Perumahan Dan Kerajaan Tempatan]

13. PR-1351-U(27)007

Datuk Dr. Makin @ Marcus Mojigoh [Putatan] akan mencadangkan :-

“Bahawa Dewan ini mengambil maklum bahawa Chinese Independent School di Malaysia menjalankan taksiran peperiksaan persekolahan mereka melalui sijil yang dikenali sebagai Unified Examination Certificate (UEC) yang mana dibahagikan kepada tiga peringkat iaitu Unified Examination Certificate - Junior Middle (UEC-JML), Unified Examination Certificate Vocational (UEC-V) dan Unified Examination Certificate Senior Middle (UEC-SML).

Dan mengambil maklum juga bahawa, persijilan UEC telah pun diguna pakai dalam persekolahan oleh United Chinese School Committees Association of Malaysia sejak ianya diperkenalkan pada tahun 1975.

Dan mengambil maklum juga bahawa sijil UEC yang diperkenalkan oleh UCSCAM ini telah diiktiraf oleh universiti di serata negara seperti di United Kingdom, Amerika Syarikat, Taiwan, Hong Kong, China, Australia, Kanada, Singapura dan lain-lain negara.

Dan mengambil maklum juga bahawa malangnya, Kementerian Pendidikan dan Kementerian Pendidikan Tinggi Malaysia atau secara khususnya, Lembaga Akreditasi Negara tidak mengiktiraf sijil UEC ini terutama sekali bagi kemasukan ke universiti awam Malaysia, walau pun National University of Singapore yang berkedudukan tempat keempat universiti terbaik di dunia mengiktiraf sijil UEC ini.

Dan mengambil maklum juga bahawa dengan ketiadaan pengiktirafan yang dimaksudkan di atas, negara Malaysia secara tidak langsung mengalami kerugian yang besar di mana pemegang sijil UEC ini terpaksa meneruskan pendidikan tinggi mereka di luar negara di mana aliran wang keluar daripada negara ini dan juga kecenderungan lepasan sijil UEC ini untuk terus bekerja di luar negara adalah tinggi, di mana dalam hal ini negara Malaysia akan kerugian "aliran keluar" tenaga mahir ke luar negara.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan haruslah dengan segera mengiktiraf Sijil Unified Examination Certificate bagi manfaat negara."

[Menteri Pendidikan]

14. PR-1351-U(27)008

Datuk Dr. Makin @ Marcus Mojigoh [Putatan] akan mencadangkan :-
"Bahawa Dewan ini mengambil maklum bahawa kesan pemanasan global dan perubahan cuaca kini menjadi topik perbualan harian di seluruh pelusuk dunia di mana ianya bukan lagi satu fenomena tetapi telah menjadi realiti yang mana setiap warga dunia mempunyai tanggungjawab untuk sama-sama melaksanakan langkah-langkah mitigasi bagi mengurangkan impaknya ke atas kehidupan manusia.

Dan mengambil maklum juga bahawa salah satu penyebab utama kedua-dua masalah di atas adalah akibat daripada kesan penebangan pokok-pokok disebabkan aktiviti ekonomi seperti pembukaan ladang dan sebagainya.

Dan mengambil maklum juga bahawa pihak berkuasa tempatan berperanan untuk mengambil bahagian dalam usaha untuk langkah mitigasi bagi mengatasi kedua-dua masalah di atas walaupun dalam bentuk kecil, dengan menanam lebih banyak pokok-pokok di seluruh kawasan seliaan mereka.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah meminta pihak berkuasa tempatan untuk segera menanam lebih banyak pokok-pokok di kawasan di bawah seliaan mereka di samping memperbanyakkan kempen menanam pokok untuk menyemai budaya menanam pokok di kalangan rakyat setempat.”

[Menteri Sumber Asli Dan Alam Sekitar]

15. PR-1351-U(27)009

Datuk Dr. Makin @ Marcus Mojigoh [Putatan] akan mencadangkan :-
 “Bahawa Dewan ini mengambil maklum bahawa, bagi kawasan Dewan Undangan Negeri N.18 Petagas (Parlimen P.173 Putatan), hanya terdapat sebuah sekolah menengah sahaja iaitu Sekolah Menengah Kerajaan (SMK) Tansau, Putatan untuk menampung murid-murid keluaran lima (5) buah sekolah rendah yang terletak di kawasan yang sama.

Dan mengambil maklum juga bahawa, kerana kekurangan tempat di sekolah menengah, ramai murid daripada kawasan Dewan Undangan Negeri N.18 Petagas terpaksa meneruskan persekolahan menengah mereka di sekolah menengah di kawasan Dewan Undangan Negeri N.16 Luyang, N.17 Tanjong' Aru, N.19 Kapayan dan N.20 Moyog, di mana sekali gus meningkatkan kos persekolahan mereka daripada segi kos pengangkutan dan menyebabkan ketidakselesaan hidup rakyat.

Dan mengambil maklum juga bahawa cadangan pembinaan Sekolah Menengah Kerajaan (SMK) Petagas telah pun dirancang sejak Rancangan Malaysia Ke-Sembilan (RMK9) lagi dan disenaraikan semula dalam Rancangan Malaysia Ke-Sebelas (RMK11), namun sehingga kini belum terdapat sebarang keputusan tetap bagi permasalahan ini walau pun tapak bagi Sekolah Menengah Petagas serta infrastruktur asas seperti jalan raya telah pun tersedia.

Maka, bagi menangani masalah ini dan mendahulukan rakyat, Dewan yang mulia ini hendaklah mengambil ketetapan bahawa Sekolah Menengah Kerajaan (SMK) Petagas hendaklah dibina dan disiapkan dalam tempoh terdekat seperti yang telah dirancang terdahulu.”

[Menteri Pendidikan]

16. PR-1351-U(27)010

Dato' Kamarudin Bin Jaffar [Tumpat] akan mencadangkan :-

“Bahawa Dewan ini mengambil maklum akan cadangan untuk pembangunan semula kawasan Rumah Pangsa Sri Labuan dan pembangunan semula Zon 1 yang melibatkan Rumah Pangsa Sri Melaka, Sri Johor, Ikan Emas dan Sri Pulau Pinang di dalam kawasan Parlimen Bandar Tun Razak.

Dewan ini juga mengambil maklum kegelisahan majoriti penghuni di perumahan-perumahan yang terlibat akan masa depan mereka akibat daripada cadangan ini.

Maka Dewan ini mengambil kira suasana ini dan memutuskan bahawa segala cadangan pembangunan semula oleh Kementerian Wilayah Persekutuan di kawasan tersebut hendaklah mengambil kira perkara-perkara berikut:

- i . Mengadakan perbincangan dengan semua penghuni, iaitu pemilik dan penyewa selain daripada wakil-wakil blok dan persatuan-persatuan mereka;
- ii. Pihak DBKL mestilah dilibatkan dalam semua perbincangan dan keputusan, selain daripada pihak Kementerian;
- iii. Pemilihan pemaju mestilah ditentukan secara tender terbuka supaya penghuni dan pembeli mendapat tawaran terbaik; dan
- iv. Semua aspek pembangunan mestilah memberikan keselesaan kepada penghuni dengan mengambil kira ciri-ciri berikut:
 - a. .Kepadatan setiap blok,
 - b. .Keluasan unit
 - c. .Kualiti pembinaan lif dan bahan binaan,
 - d. .Kemampuan membayar yuran penyelenggaraan oleh pemilik selepas

[Menteri Wilayah Persekutuan]

17. PR-1351-U(27)011

Dato' Kamarudin Bin Jaffar [Tumpat] akan mencadangkan :-

“Bahawa Dewan ini mengambil maklum dengan penuh kebimbangan akan pergolakan politik antarabangsa mutakhir ini yang mempamerkan satu suasana ketidakstabilan hubungan antarabangsa yang amat kritikal. Dewan juga memerhatikan dengan penuh kerisauan lagak politik Amerika Syarikat di bawah Presiden Trump, politik Eropah ekoran keputusan Brexit oleh Britain, politik Russia oleh Presiden Putin yang antara lain telah mengakibatkan Ukraine diceroboh dan penembakan pesawat MH17, dan lebih dekat lagi, politik Republik Rakyat China yang menuntut sebahagian Lautan China Selatan sebagai wilayahnya.

Maka, sebagai satu langkah peringkat negara dan serantau untuk menghadapi krisis ini, Dewan ini memutuskan untuk mempertegaskan dan menggerakkan semula dengan sungguh-sungguh dasar Asia Tenggara sebagai satu rantau yang aman, bebas dan berkecuali atau ZOPFAN yang telah dipersetujui dan dimeterai pada 27 November 1971 oleh Malaysia, Indonesia, Filipina, Thailand dan Singapura.”

[Menteri Luar Negeri]

18. PR-1351-U(27)012

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya Laporan Ketua Audit Negara berkenaan dengan isu 1MDB (1Malaysia Development Bhd) dibentang dan dikemukakan untuk perbahasan di Dewan Rakyat dengan kadar segera.”

[Perdana Menteri]

19. PR-1351-U(27)013

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya YAB. Perdana Menteri dan seluruh anggota Menteri Kabinet mengisytiharkan harta dan aset mereka kepada Dewan Rakyat tiap-tiap tahun pada bulan Disember”.

[Perdana Menteri]

20. PR-1351-U(27)014

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya mengesyorkan kepada KBDYMM Seri Paduka Baginda Yang Dipertuan Agong untuk menubuhkan satu Suruhanjaya Diraja supaya menyiasat dan mengemukakan laporan siasatan terhadap skandal kewangan 1MDB dengan kadar segera.”

[Perdana Menteri]

21. PR-1351-U(27)015

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan selaras dengan titah Majlis Raja-Raja Melayu di mana Akta Majlis Keselamatan Negara 2016 dibentang dan dikaji semula di Dewan Rakyat dengan kadar segera.”

[Perdana Menteri]

22. PR-1351-U(27)016

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya Sijil Peperiksaan Unified Examination Certificate (UEC) yang telah mendapat pengiktirafan antarabangsa diberi pengiktirafan penuh oleh Kerajaan Malaysia.”

[Menteri Pendidikan]

23. PR-1351-U(27)017

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan secara sebulat suara selaras dengan semangat Perlembagaan Persekutuan tahun 1957 dan prinsip "one man, one vote", mana-mana persempadanan semula kawasan pilihan raya jumlah bilangan pengundinya tidak boleh melebihi perbezaan 15% di antara semua kawasan pilihan raya di negara ini.”

[Perdana Menteri]

24. PR-1351-U(27)018

Tuan M. Kula Segaran A/L V. Murugeson [Ipoh Barat] akan mencadangkan :-

“Bahawa Dewan ini mengambil maklum penubuhan entiti persendirian yang dikenali sebagai MyEG menduakan kerja Kementerian Dalam Negeri. MyEG sebagai satu agensi di antara Kementerian Dalam negeri dan orang awam adalah tidak diperlukan, membazirkan sumber-sumber dan mengenakan fi yang tidak berpatutan kepada orang awam. Penubuhan entiti ini mempersoal integriti Kerajaan dan menggalakkan amalan korupsi.”

[Menteri Dalam Negeri]

25. PR-1351-U(27)019

Tuan Liew Chin Tong [Kluang] akan mencadangkan :-

“Bahawa Dewan ini menggesa Kerajaan untuk mengumumkan laporan penuh Jawatankuasa Siasatan Bebas mengenai kejadian kebakaran Hospital Sultanah Aminah Johor Bahru pada 25 Oktober 2016 untuk makluman dan pengetahuan rakyat tentang punca-punca berlakunya kebakaran tersebut. Kerajaan juga didesak untuk menyatakan langkah-langkah yang akan diambil untuk mencegah dan mengelakkan tragedi kebakaran berulang lagi di mana-mana hospital atau pusat perubatan.”

[Menteri Kesihatan]

26. PR-1351-U(27)020

Tuan Liew Chin Tong [Kluang] akan mencadangkan :-

“Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi RM100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara supaya untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Kapal Selam Scorpene telah menimbulkan banyak persepsi negatif terhadap negara”.

[Perdana Menteri]

27. PR-1351-U(27)021

Tuan Liew Chin Tong [Kluang] akan mencadangkan :-

“Bahawa Dewan ini bersetuju mengurangkan peruntukan untuk JPM dan menyalurkan kepada peruntukan bagi hal ehwal pendidikan, pengangkutan awam, kesihatan dan kebajikan rakyat. Peruntukan untuk Jabatan Perdana Menteri telah dihadkan tahapnya pada tahun 2008 iaitu masing-masing sebanyak RM3.4 bilion bagi peruntukan pengurusan dan RM3.5 bilion untuk pembangunan. Ini membawa kepada jumlah keseluruhan sebanyak RM6.9 bilion. Berbanding 2017,

anggaran peruntukan pengurusan dan pembangunan telah melepasi tahap ditetapkan pada 2008 tersebut iaitu masing-masing sebanyak RM4.92 bilion dan RM11.019 bilion yang membawa kepada jumlah keseluruhan RM15.94 bilion”.

[Menteri Kewangan]

28. PR-1351-U(27)022

Tuan Hee Loy Sian [Petaling Jaya Selatan] akan mencadangkan :-

“Dewan ini mengambil maklum bahawa Bajet 2016 sebanyak RM50 juta yang diperuntukkan kepada SJK (C) tidak disalurkan pada tahun yang ditetapkan. Dewan yang mulia ini hendaklah mengambil ketetapan bahawa semua peruntukan bajet yang diluluskan di Parlimen haruslah disalurkan kepada pihak yang sewajarnya pada tahun yang berkenaan juga”.

[Menteri Kewangan]

29. PR-1351-U(27)023

Tuan Hee Loy Sian [Petaling Jaya Selatan] akan mencadangkan :-

“Dewan ini mengambil maklum bahawa banyak pengusaha teksi persendirian mahu pun berdaftar di bawah syarikat swasta menghadapi kesukaran dan ada yang terpaksa menutup operasi mereka.

Dewan ini juga mengambil maklum bahawa salah satu punca permasalahan ini adalah dengan kewujudan Uber dan GrabCar yang jauh lebih efisien daripada operasi mereka melalui penggunaan teknologi aplikasi dengan menggunakan telefon pintar. Maka dengan menyedari hakikat ini, Dewan yang mulia ini hendaklah membahaskan langkah-langkah strategik bagi menyelamatkan pengusaha teksi yang ada dalam menghadapi persaingan daripada Uber dan GrabCar ini”.

[Perdana Menteri]

30. PR-1351-U(27)024

Tuan Hee Loy Sian [Petaling Jaya Selatan] akan mencadangkan :-

“Bahawa Dewan ini menolak pembinaan jana kuasa tenaga nuklear di Malaysia yang akan memudaratkan alam sekitar sekiranya berlaku kecuaian dan bencana. Dewan ini juga haruslah membuat ketetapan bahawa sekiranya ia ingin tetap diteruskan harus mendapat referendum sokongan daripada rakyat”.

[Perdana Menteri]

31. PR-1351-U(27)025

Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, lebih dari 200 ribu pelajar-pelajar setiap tahun akan menduduki peperiksaan SPM. Ada yang berjaya melanjutkan pelajaran ke tahap yang lebih tinggi dan ada yang gagal. Di sinilah jurang pemikiran akan berlaku. Yang berjaya mara terus dalam pelajaran akan mendapat pendedahan yang baik dan akan menjadi warga dan anak bangsa yang berguna kepada masyarakat. Tetapi yang gagal akan teraba-raba dan menanggung risiko terbabas dari landasan yang diharapkan.

Adalah dicadangkan semua pelajar lelaki lepasan SPM dimasukkan ke dalam Program Khas Khidmat Negara / National Service selama dua tahun. Enam bulan pertama dilatih dari segi fizikal dan mental serta ilmu kewarganegaraan. Selebihnya setahun setengah lagi mereka ditempatkan dalam Angkatan Tentera Malaysia atau PDRM. Sebaik sahaja mereka tamat menjalani penempatan di ATM atau PDRM mereka hendaklah digalakkan meneruskan pelajaran sama ada jurusan akademik atau vokasional mengikut kelayakan mereka. Dengan cara ini masalah remaja dapat dikurangkan walaupun tidak diselesaikan. Banyak negara-negara lain telah melaksanakan program ini dengan jayanya”.

[Menteri Pertahanan]

32. PR-1351-U(27)026

Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, semangat kekitaan dan berpasukan hendaklah ditanam dalam jiwa setiap pelajar sekolah. Setiap pelajar di sekolah rendah atau menengah hendaklah diwajibkan menyertai satu pasukan beruniform dan mereka hendaklah mendapat didikan dari guru-guru yang terlatih dalam bidang-bidang tertentu yang berhubung dengan pasukan tersebut. Sehari dalam seminggu sekolah hendaklah memperuntukkan agar guru-guru dan pelajar-pelajar memakai uniform pasukan masing-masing ke sekolah. Dengan itu pelajar-pelajar akan merasa bangga dengan pasukan mereka dan ini akan membina semangat kekitaan di kalangan pelajar-pelajar dan guru-guru”.

[Menteri Pendidikan]

33. PR-1351-U(27)027

Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, ramai ibu bapa mengeluh kos menghantar anak-anak ke sekolah makin meningkat mahal. Ini termasuk kos belanja makan harian anak-anak di sekolah. Oleh kerana kos juga pengusaha kantin akan menyediakan makanan yang kurang kualiti dan tidak berzat, malah ada yang membahayakan termasuk menggunakan perisa tiruan dan pemanis yang dilarang oleh Kementerian.

Satu kempen "membawa makanan dari rumah" yang melibatkan banyak Kementerian dan Jabatan hendaklah dimulakan. Jika makanan dibawa dari rumah sudah pasti ianya bersih, berzat dan jauh dari keracunan. Pelajar juga mesti digalakkan membawa air masak putih dari rumah dan dengan ini akan mengelakkan mereka dari meminum air bergas dan air manis yang merosakkan kesihatan pelajar-pelajar. Tindakan membawa makanan dari rumah bukan sahaja memastikan kesihatan terjamin juga mengurangkan kos menghantar anak-anak ke sekolah”.

[Menteri Pendidikan]

34. PR-1351-U(27)028

Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, ramai kakitangan awam yang ada ilmu berniaga dan ada yang terlibat dengan perniagaan secara sampingan. Ramai yang mahu menceburkan diri dalam perniagaan secara langsung tetapi sayang akan hilang pencen jika berhenti dari perkhidmatan awam. Akhirnya mereka berada dalam dua alam dan tidak fokus kepada tugas sebenar. Adalah dicadangkan Kerajaan mengkaji semula dasar membenarkan kakitangan awam berhenti dari perkhidmatan dan mendapat pencen.

Adalah dicadangkan jika seseorang kakitangan awan telah berkhidmat selama 21 tahun mereka boleh berhenti dan mendapat pencen. Ini samalah dengan anggota Angkatan Tentera Malaysia. Jika ini boleh dilakukan kita akan melihat mereka yang terlibat dalam perniagaan datang dari mereka yang ada pengalaman dan ada networking. Di samping itu tempat yang dikosongkan oleh mereka akan diisi oleh ramai lulusan pengajian tinggi yang tidak mempunyai kerja yang tetap atau sesuai”.

[Perdana Menteri]

35. PR-1351-U(27)029

Tuan Fong Kui Lun [Bukit Bintang] akan mencadangkan :-

“Bahawa dewan mencadangkan Kerajaan supaya mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun Negara telah menjadi Negara merdeka dan berdaulat sejak 60 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi Negara secara bersama dan merealisasikan Impian Malaysia”.

[Perdana Menteri]

36. PR-1351-U(27)030

Tuan Fong Kui Lun [Bukit Bintang] akan mencadangkan :-

“Bahawa dewan mencadangkan Kerajaan memulihkan pilihan raya kerajaan tempatan seluruh Negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat”.

[Menteri Kesejahteraan Bandar, Perumahan Dan Kerajaan Tempatan]

37. PR-1351-U(27)031

Tuan G Manivannan A/L Gowindasamy [Kapar] akan mencadangkan :-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu dketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan.

Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama”.

[Menteri Kesejahteraan Bandar, Perumahan Dan Kerajaan Tempatan]

38. PR-1351-U(27)032

Tuan G Manivannan A/L Gowindasamy [Kapar] akan mencadangkan :-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh pakar perubatan forensik sendiri bagi mewakili pihak keluarga si mati semasa bedah siasat dijalankan”.

[Menteri Dalam Negeri]

39. PR-1351-U(27)033

Tuan G Manivannan A/L Gowindasamy [Kapar] akan mencadangkan :-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia”.

[Menteri Pendidikan]

****UCAPAN-UCAPAN**
(PERATURAN MESYUARAT 17 BAHARU)
(KAMAR KHAS)

| Tarikh Ucapan | Ahli Yang Berucap | Tajuk Ucapan | Menteri Yang Bertanggungjawab |
|------------------------|---|---|--------------------------------------|
| 1. 15.3.2017 (Rabu) | 1. YB Dato' Dr. Haji Noor Azmi Bin Ghazali (Bagan Serai) | 1. Status Terkini Pembinaan Sekolah Menengah Pelangi Perdana Berhadapan Sekolah Kebangsaan Jalan Baharu Parit Buntar di Dun Alor Pongsu Parlimen Bagan Serai. | 1. YB Menteri Pendidikan |
| 2. 15.3.2017 (Rabu) | 2. YB Dr. Michael Jeyakumar Devaraj (Sungai Siput) | 2. Skim Pesakit Bayar Penuh - Adakah "Due Diligence" Diamalkan. | 2. YB Menteri Kesihatan |

**** Ucapan-ucapan Di Bawah Usul Berkenaan Perkara Tadbir Kerajaan (Peraturan Mesyuarat 17 Baharu)**